


書名 廣文選八十二卷 嘉靖  
十二年序刊本  
撰者 明 劉節 輯  
卷 卷七十六  
內容分類 集-總集-詩文  
索書號 大木-集部-總集類-3

# 卷七十六



廣文選卷第一

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

天地廣

天地賦

成公子安



明通議大夫都察院右副都御史大庾劉節廣

惟自然之初載兮道虛無而玄清太素紛以溷淆兮始  
有物下而混成何元一之芒昧兮廓開闢而著形爾乃清  
濁剖玄黃判離太極既殊是生兩儀星辰煥列日月  
重規以尊地靜以卑昏明迭炤或盈或虧陰陽協  
氣而寒暑隨時而推移三才殊性五行異位千變  
萬化庶類授之以形稟之以氣色表文采聲有音  
方流形品物鼓以雷霆潤以慶雲八風翱翔

於岐山字闕其從之迷君而到官上書而薦君盡禽息之

闕三君之字闕君闕三於山闕七列種嘉奇樹持為

之潤解忠業與闕二猶君恩使然雖君有大化孰能爾

者難子喪之終闕三思其顏而闕死可贖不愛闕二人

今君闕於彼卓謫而超倫吏民暮高蹤來者其如雨備

名建闕一石垂示於闕二

門下功曹徐保字元節主簿呂嘉字元闕主史陳信字

聖舉主記史闕忠字建臺門下游微闕二字叔騰門下

賊曹闕二字聖臺門下史曹助字仲臺闕吏呂崇字孝

讓從掾位徐超字元貴

廣文選卷第七十五

江都葛閻校

明通議大夫都察院右副都御史大庾劉節廣

碑文

張平子碑文

崔子玉

河南相張君南陽西鄂人諱衡字平子其先出自張老

為晉大夫納規趙武而反其後書傳美之君天姿叡哲

敏而好學如川之逝不舍晝夜是以道德漫流文章雲

浮數術窮天地制作侔造化壞辭麗說奇技備藝磊落

煥炳與神合契然而體性溫良聲氣芬芳仁愛篤密與

世無傷可謂淑人君子者矣初舉孝廉為尚書侍郎遷

太史令實掌重黎歷紀之度亦能焯耀敦大天明地德

光照有漢遷公車司馬令侍中途相河間政以禮成民

是用息遭命不末聞忽畧徂朝失良臣民隕令君天泯  
斯道世喪斯文九百君子靡不傷焉乃銘斯表以旌厥  
聞其辭曰

於維張君資質懿豐德茂材羨高明顯融焉所不學亦  
何不師盈科而逝成章乃達一物不知實以爲耻聞一  
善言不勝其喜包羅品類稟授無形酌焉不竭冲而復  
盈廩廩其庶豐豐其幾膺數命世紹聖作師荀奉必實  
令德惟恭柔嘉伊則孝友祇容允出在茲維帝念功往  
才女諧化洽民雖愍而不弔降此咎兇哲人其萎罔不  
時惘紀於銘勒末終譽焉死而不朽芳烈著兮

### 楚相孫叔敖碑文

楚相孫君諱旣字叔敖本是縣人也六國時期思屬楚

楚都南郢南郢即南郡江陵縣也君受純靈之精以純

世之才有大賢次聖之質少身枝首蛇對其母泣吾將  
死毋問其故曰吾聞見枝首蛇者死今日見之母曰若  
奈之何吾殺行數十步念獨吾死可空復令他人見之  
死爲因埋掩其刑母曰若無憂焉其陰德玄善遂爲父  
母九族所異及其爲相布政以道考天象之度敬授民  
時聚藏於山殖物於藪宣導川谷波障源淥溉灌沃澤  
堤防湖浦以爲池沼鍾天地之美收九罙之利以愍潤  
國家家富人喜優瞻樂業式序在朝野無螟蠹豐年蕃  
庶人有曾閔貞孝之行四民美好從容中節高相改幣  
一朝而化其憂國忘私乘馬三季不別牝牡繼高陽重  
黎五舉子文之統其忠信廉勇禮樂文章軌儀同制其

富國文民明天時盡地力靈堅禹稷不能踰也專國權  
寵而不榮華一旦可得百金至於歿齒而無分銖之蓄  
破玉玦不以寶財遺子孫終始若矢去不善如絕絃碎  
患害於無刑徹節高義敦良奇介自曹臧孤竹吳札子  
罕之倫不能駮也生於季末仕於靈王立溷濁而澄清  
處幽暗而照明其遺武餘典恨不與戲皇帝代同世世  
為列姪國在朝廷其意常墨墨若冠章甫而坐塗炭也  
病甚臨卒將無棺槨令其子曰優孟曾許千金貸吾孟  
故楚之樂長與相君相善雖言千金實不貸也卒後數  
幸莊王置酒以為樂優孟乃言孫君相楚之功既忼慨  
高歌曲曰貪吏而可為而不可為廉吏而可為而不可  
貪吏而不可為者當時有污名而可為者子孫以家  
成廉吏而可為者當時有清名而不可為者子孫困窮  
披褐而賣薪貪吏常苦富廉吏常苦貧獨不見楚相孫  
叔敖廉潔不受錢涕泣數行若投首王王心感動覺悟  
問孟孟具列對即來其子而加封焉子辭父有命如楚  
不忘亡臣社稷圖而欲有賞必於潘國下濕堯堉人所  
不貪遂封潘鄉即固始也三九無嗣國絕祀廢固始今  
段君夢見孫君則存其後就其故祠為架廟屋立石銘  
碑春秋蒸嘗明神報祚即歲還長棧太守及期思縣宰  
段君諱光字世賢魏郡鄴人庶慕先賢體德允恭篤古  
遵舊奉履憲章欽翼天道五典興通攷籍祭祠祗肅神  
明臨縣一載志在惠康葬枯粟之愛育藜蒸討掃醜類  
鰥寡是矜杜偽養善是忠表仁感想孫君迺發嘉訓興

祀立壇勤勤愛敬念意自然刻石銘碑千載表績萬古  
標記福祐期思縣興土熾孫氏蒙恩漢延熹二年五月  
二十八日立

漢北海相景君碑文

惟漢安二年仲秋關二故北海相任城景府君卒嗚呼

哀哉國關一寶英彥關一疇列宿虧精晚學後晚子何

穹蒼布命授期有生有死天是為之豈夫仁哲彼克不

遺於是故吏諸生相與論曰上世羣后莫不流光關於

無窮垂芬耀於書篇身歿而行明體亡而名存或著形

像於列圖或繫頌於管絃後來詠其烈竹帛叙其勲乃

作誄曰

伏惟明府受質自天孝弟淵懿帥禮蹈仁根道亥在抱

淑子真龍白清方克已治身寔柔寔剛乃武乃文適考

孝謁假階司農流德元城與利惠民強禦改節微弱蒙

恩威立澤宣化行如神帝嘉厥功授以符命守郡益州

路遐戀親躬作遜讓夙宵朝廷建英忠謹拜秩東 璽

追嘉錫據北海相部城十九鄰邦歸向公明好惡先以

敬讓殘偽易心輕黠踰竟鷄臯不鳴分子還養元元鰥

寡蒙祐以寧蓄道脩德關祉以榮紛紛今儀明府體之

仁義道術明府膺之蒞朱邵父明府三之台輔之任明

府宜之以病被徵委符致仕民關思慕遠近搔首農夫

釋耒商人空市隨輦飲淚奈何朝廷奪我慈父去官未

旬病乃困危珪璧之質臨卒不回歔關實絕奄忽不關

孝子愷悝顛倒剝摧遂關克寤求潛長歸州里鄉黨隕

涕奔哀故吏怛歔歔闕一 個四海冠蓋驚慟傷懷大  
命闕 期寔惟天闕 明主設位明府不就臣子欲養明府  
弗留嗚呼哀哉

亂曰考積幽交闕三 字闕四 翔議郎字 再命虎將綏元

元字 兮規英架謨主忠信字 兮羽衛藩屏撫萬民字 兮仁敷海

外著甘棠字 兮闕 石勒銘闕 不亡字 兮

漢泰山都尉孔宙碑

君諱宙字季將孔子十九世之孫也天姿醇淑齊聖達

道少習家訓治嚴氏春秋緝熙之業既就而閨闔之行

允恭德音孔昭遂舉孝廉除郎中都昌長祗傳五教尊

彫幣濟弘功於易簡三載考績遷元城令是時東播黔

首稽夏不闕三 祠兵遺畔未寧乃擢君典戎以文脩之

旬月之間莫不解甲服罪闕三 樽田畷喜于荒圃商旅

交乎險路會鹿鳴於樂崩復長幼於酬酢闕三 稔會遭

篤病告困致休得從所好年六十一延熹六年正月乙

未闕三 疾貴速朽之反真慕寧儉之遺則窀夕不華闕

器不設凡百印高闕三 字闕 述於是故吏門人乃共陟名山

采嘉石勒銘示後俾有彝式其辭曰

於顯我君懿德惟光紹聖作儒身立名彰真登王室闡

是更夙夜闕二 字闕 在公朏朏乃綏二縣黎儀以康於天

時癰撫茲岱山闕一 字闕 彼凶人覆俾闕二 字闕 南畝孔饁山有

夷行豐年多黍稱彼兕觥帝賴其勲民斯是皇疾闕三 字闕

乃委其榮忠告慤勤屢省乃聽恭儉自終簞簋不陳生  
播高譽沒垂令名未矢不刊億載揚聲

漢中侍樊君碑文

君諱安字子佑南陽湖陽人也厥祖曰仲山父翼佐周  
宣出納王命爲之喉舌以致中興食菜于樊子孫氏焉  
奕世載德守業不愆在漢中葉篤生哲媛作合南頓實  
產世祖征討逆畔復漢郊廟而樊氏以帝元舅顯受茅  
土封寵五國壽張侯以功德加位特進其次並已高聲  
處鄉校侍中尚書據州典郡不可勝載爲天下學治韓  
詩論語孝經兼典記傳古今異義甘貧樂約意不回貳  
天資淑慎稟性有直秉操不移不以覬貴世政促峻邑  
幸寡識慢賢役德被以勞事然後慷慨官于王室歷中

黃門元從儀史拜小黃門小黃門右史遷藏府令中常

侍其事上也貞固密慎矜矜戰戰作主股肱助國視聽  
外職不誣內言不泄爲近臣楷模以兄弟並盛雙據二  
郡宗親賴榮年五十有六以未壽四年二月甲辰卒朝  
思其忠追拜騎都尉寵以印綬策書褒歎賻贈有加嗣  
子遷寔以幼弱夙敘王爵而喪所天禮備復位以延熹  
三年冬十有一月自生蒸祭乃尋惟烈考恭修之懿勒  
之碑石俾不失墜其辭曰

肅肅我君帝躬是翼王事多難我君是立秉此小心以  
亮皇職惟帝念功庸以輿服大命傾實魂神遷佚龜艾  
追贈用光其德藹藹遺稱作呈作式勒名茲石垂示罔  
極勲名不剝永昭千億

漢桂陽太守周府君碑

桂陽太守周府君者徐州下邳人也諱憬字君光體性

敦仁天姿篤厚行興閨門名闕州里舉孝廉拜尚書侍

郎遷汝南固始相遂拜桂陽廼宣魯衛之政敷二南之

澤政以德綏化猶風騰撫集烝細闕綏有方進則貞直

退則錯柱崇舉濟濟吉士充朝招訓闕蒙開誘六蔽君

子道長小人道消信感神祇靈瑞符闕嘉穀生於野奇

草像闕一字莆異根之樹超然連理於此闕時邦域惟寧

郡又與南海接比商旅所臻自瀑亭至乎曲紅壹由此

水其水源也出於王禽之山山蓋隆闕三于天泉肇沸

踊發射其顛分流離散為十二川彌陵隋阻丘阜錯連

隅阨壅遏末由騁焉爾乃貫山鑽石經闕四揚爭怒浮

沈潛伏虵龍蝓屈澧隆鬱浥千渠萬澮合聚谿澗下迄

安闕一六瀧作難湍瀨闕二泫汙渥浹雖詩稱百川沸

騰高岸為谷深谷為陵蓋莫若斯天軌所經惡得已改

其下注也若奔車失戀狂牛無縻闕忽荒忽臚睦不相

知及其上也則群輩相隨檀柁提闕唱號慷慨沈深不

前其成敗也非徒喪寶玩隕珍奇替珠貝流象犀也往

古來今變闕終矣於是府君乃思夏后之遺訓闕應龍

之畫傷行旅之悲窮哀闕一人困危感蜀守冰殄絕犁

堆嘉夫昧淵未用夷易廼命良吏闕一帥壯夫排積闕

字石投之寥闕二高填下鑿截回曲弼水之邪性順導

其經脉斷稜濫之電波弱陽侯之汹湧由是小蹊乃平

直大道允通利抱布貿絲交易南至升涉周旋功萬於



前除昔闕二樹塞於茲雖非龍門之鴻績亦人君之德

宗故船人嘆於水渚行旅語於塗陸孔子曰禹不決江

疎河吾其魚矣於是熹平三年歲在攝提仲冬之月曲

紅長零陵重安區社字景賢遵奉典憲宣揚德訓帥禮

不越欽仰高山乃與邑子故吏龔臺郭蒼龔維等命工

擊石建碑于瀧上勒銘公功傳之萬世垂示無窮其辭

曰

乾坤剖兮建兩儀剛柔分兮有險夷咨中嶽兮穆崔嵬

嘆林衡兮獨傾虧增陵陷兮其嘔崎鮫莫涉兮禹不規

仰王禽兮又崑崙俯瀧淵兮怛以悲岸參天兮無路蹊

石縱橫兮流洄洄波隆隆兮聲若雷或抱負兮以從利

或追恩兮有赴義汜自憚兮有不避闕躬軀兮於玄池

委性命兮於苦繡懣寒慄兮不皇計忽隨流兮殆忘歸

懿賢后兮發聖莢閉不通兮治斯谿斲巨石兮以填

開切闕一兮導曲機摧六瀧兮弱闕五兮散其波威怒

定兮混瀾瀾息聊嗽兮闕五逝兮蛟龍藏陸老唱兮臚

人歌名冠世兮超踰倫闕兮燿流沙功斐斐兮鏡

淳于長夏承碑

君諱長字仲充東萊府君之孫太尉掾之仲子右中郎

將弟也累葉牧守印紱典據十有餘人皆得任其位名

豐其爵是故寵祿傳于歷世策勳著于王室君鍾其美

受性淵懿含和履仁治詩尚書兼覽羣羣靡不尋暢州

郡更請屈已匡君為主薄督郵五官掾功曹上計掾守



令冀州從事所在執憲彈繩糾枉忠潔清肅進退以禮  
允道篤愛先人後已克讓有終察孝不行大傳胡公歆  
其德美旌招俯就羔羊在公四府歸高除淳于長到官  
正席流恩褒善糾姦示惡旬月化行風俗改易輻軒六  
轡飛躍臨津不日則月皓天不吊殲此良人年五十有  
六建寧三年六月癸巳淹疾卒官嗚呼痛哉臣隸辟踊  
悲動左右百姓號咷若喪考妣孩孤憤泣切怛傷摧勒  
銘金石惟以告哀其辭曰

於穆皇祖天挺應期佐時理物紹縱先軌積行勤約燕  
于孫子君之群戚並時繁祉明明君德令問不已高山  
景行慕前賢列庶同如蘭意願未止中遭冤友不終其  
紀夙世實祚早喪懿寶抱器幽潛求歸高里痛矣如之  
行路感動儻魂有靈垂後不朽

漢玄儒先生婁壽碑

先生諱壽字元考南陽隆人也曾祖父修春秋以大夫  
侍講至五官中郎將祖父太常博士徵朱爵司馬親父  
安貧守賤不可榮以祿先生童孩多奇岐嶷有志挽髮  
傳業好學不厭不修庶隅不飾小行溫然而恭慨然而  
義善與人交久而能敬榮且濁之耦耕甘山林之杳藹  
遁世無悶恬佚淨漠遲德衡門下學上達有朋自遠冕  
紳莘莘朝夕講習樂以忘憂郡縣禮請終不回顧高位  
厚祿固不動心麤絺大布之衣糲糲蔬菜之食蓬戶茅  
宇椽樞危牖樂天知命權乎其不可拔也是以守道識  
貞之出高尚其事鄉尚州鄰親愛懷年七十有八熹

平三年正月甲子不祿國人乃相與論德處謚列石作  
銘其辭曰  
皇矣先生懷德惟明優於春秋玄嘿有成知賤為貴與  
世無爭渾德衡門禮義滋醇窮下不苟知我者天身歿  
聲鬯千載作珍縣之日月與金石存

廣文選卷第七十六

江都葛潤校

廣文選卷第七十七

明通議大夫都察院右副都御史大庾劉節廣

碑文四

童子逢盛碑

童子諱盛字伯彌薄令之玄孫遽成君之曾孫安平君  
之孫五官掾之長子也胎懷正氣生克自然俯育孩嬰  
弱而能言至於垂髫晉惠聰哲過庭受試退誦詩禮心  
開意審聞一知十書畫規矩制中園椀日就月將學有  
緝熙才亞后橐當為師楷自天生授固不在初謂當珥  
遂令儀令色整齊珪角立朝進仕究竟人爵克啓厥後  
以彰明德胤嗣昭達何宓李世顯天不惠伯彊涇行降  
此大矣年十有二歲在協給五月乙巳嚶喩不反友隕